









# begira BAT

idoia beratarbide







# begira

## BAT

IKER FERNANDEZ

Bat, bi  
zuriaren aurrean  
margoak zirrimarra  
marraztuz narama  
nor naiz ni?  
Hiru, lau  
kolorez lepo laino  
orriari noraino  
jolasa da hau  
bakarrik utzi nau.

Bat, bi  
norbait dabil hortik?  
asmorik ez dut nik  
barrenetik kanpora  
eskua aurretik.  
Hiru, lau  
ezker eta eskuin  
hara- hona jostari  
izan behar duena  
koloreei utziz


Bat, bi  
zer kontatzen dit?  
errazagoa balitz...  
paper berri batean  
berriro haseratik!?  
Hiru, lau  
ez dakit ba nondik  
ez dakit zergatik  
egiten zaidan hau  
horren gozagarri.

Bat, bi  
aurreko paper berak  
aukera ugari  
ideia berriren bat  
badator hor goitik!  
Hiru, lau  
oraintxe badakit  
jolasa bada hau  
paper zuriak berak  
isladatzen ahal nau!



# begira BI

idoia beratarbide







# begira BI

Pareta zuriko labirinto honetan  
bizi naiz.

Beti norabide zuzenean nabil,  
ziur nagoke, nahiz eta ez dakidan  
bideak zein duen norantza.

Beharrik ere ez,  
irudika dezakedan guztia  
arnas baitezaket bertan;  
jatorri ezberdineko sukaldeen usaina;  
hiribide jendetsuen taupada larria;  
eguzkitan, lasaitasunez  
agurtzen nauten hiru agure.

Ibilia eta itzala bat dira,  
zeruertza eta larruazala bezala.  
Dena dago airean  
pareta zuriko labirinto honetan.

Mundu berriak dakartzate orbanek,  
sar naiteke lurpera satorrei segika  
irten laino artetik mirua nola.  
Izan naiteke maluta,  
izan naiteke printza.

Labirinto honen pareta zuriotan  
bizi naiz,  
leizetan marraztutako pottoka bezala,  
begiratzen nauenaren amets,  
denboraren jabe.

ASIER SARASOLA







# begira LIBURUA

